

四庫全書

史部

欽定四庫全書

史部

欽定日下舊聞考卷一百

三十八至
四十

詳校官庶吉士臣范逢恩

檢討臣德生覆勘

總校官進士 臣程嘉謨

校對官進士 趙 雯

瞻錄監生顧起

欽定四庫全書

欽定日下舊聞考卷一百三十八

京畿順義縣

原順義縣在州東北六十里

明一統志

臣等謹按順義縣明初屬順天府正德八年改屬

昌平州

本朝仍屬順天府在府東北六十里

增東西距八十里南北距五十里東至三河縣界四十

里西至昌平州界四十里南至通州界二十五里北至懷柔縣界二十五里東南至三河縣治九十里西南至大興縣治六十里東北至密雲縣治七十里西北至居庸關一百二十里

大清一統志

原縣在州東南九十里

昌平山水記

原幽州東北至順州八十里

續通典

原幽州東北三十里有望京館東行少北十里餘出古

長城又二十里至中頓又踰孫侯河行二十里至順州

夢溪
筆談

原順州至燕京一百十五里

金人疆域圖

原秦為上谷郡地

太平寰宇記

原漢為土垠縣東二十里為狐奴縣西三十里為軍都

縣

順義縣志

朱彛尊原按兩漢土垠屬右北平郡當在今豐潤

境內而縣則漢漁陽郡狐奴地也

增漢置狐奴縣屬漁陽郡後漢因之三國魏景初二年

廢晉復置屬燕國後魏廢

大清一統志

原後魏安樂郡故城在縣西北六里延和元年置交州

太平真君二年罷州置郡領縣二土垠安市北齊廢土

垠入安市後周廢安市入密雲隋開皇初郡廢今為安

樂莊永樂間撥給良牧署

昌平山水記

原土垠晉宋為易京城後魏廢易京為安樂郡今州北

負郭名安樂村

順州公解記

原北齊始置歸德縣屬燕郡後周廢唐開元中移燕州

於此仍置遼西縣為州治

方輿紀要

原開元二十五年徙燕州治於幽州北桃谷山

唐書

朱彛尊原按此為幽都縣治

臣等謹按桃谷山據

大清一統志即桃山在今順義縣

原歸順州其地乃燕之北境即元順州之北境開元四

年置為契丹松漠府彈汗州部落領懷柔一縣

太平寰宇記

原歸順州天寶元年改為歸化郡乾元元年復為歸順

州

同上

增屬河北道

通考

原唐末為順州

遼史

增五代晉天福初入遼

大清一統志

原遼曰順州歸寧軍又改歸化軍

方輿紀要

增屬南京道

遼史

原宋宣和四年金人以州來歸賜名曰順興

宋史

原金仍曰順州

方輿紀要

朱彛尊原按明一統志順州之名始自隋然考之
隋書粟末靺鞨渠長度地稽內附止云居之柳城
而已寰宇記云大業八年為置遼西郡以統之亦
未有隋置順州之文也唐貞觀四年平突厥乃以
其部落置順祐化長四州都督府於幽靈之境其
時順州僑治營州南五柳城後又僑治幽州城中
寰宇記順州四至八到與范陽同東北至幽州一
百二十里則順州乃在幽州之南與今之順義初

不相蒙矣至於開元中徙燕州於桃谷山雖今縣地然仍曰燕州繼為朱滔所滅因廢為幽都縣終唐之世亦未嘗以順州稱也直至梁乾化三年晉周德威拔燕順州地以順州名見此而五代史職方考後唐一百二十三州順州始在其列此紀地志者所當考也

彛尊又按唐書羈縻州一曰順州順義郡一曰歸順州歸化郡一以處突厥一以處契丹寰宇記歸

順州南至幽州八十里北至檀州七十五里東至
薊州二百一十五里西至媯州二百里今之順義
疑本歸順州歸化郡而非順州順義郡也

臣等謹按太平寰宇記煬帝初廢營州為柳城唐
仍營州貞觀六年置順州寄治營州南五柳城遼
史誤以唐置為隋置明志因沿其誤耳至順州非
即今順義地按通典順州在范陽郡城內天寶初
置尋改為順義歸化兩郡今考寰宇記順州順義

郡領縣一賓義四至八到與范陽同范陽為故幽
州即今順天府境歸順州歸化郡領縣一懷柔另
有四至八到西南至幽州七十五里今順義縣境
正在府東北六十里地界相符彛尊以縣為唐之
歸順州歸化郡非順州順義郡是矣至寰宇記所
云順州四至八到與范陽同乃指范陽郡言通典
謂在范陽郡城內可証彛尊乃以涿州之范陽縣
當之云東北至幽州一百二十里則歸順州又在

幽州東北七十五里兩地相距幾及二百里中隔
幽州一城界址不屬與寰宇記所云歸順州即元
順州之北境其說相牾是則誤以范陽郡為范陽
縣又彛尊之失考也

原縣二溫陽密雲

金史

原元廢縣存州

元史

原明洪武二年降為順義縣

清類天文分野之書

原初屬順天府正德八年始屬昌平州

方輿紀要

原城縱橫四里南昂北俯又東北突出一隅肩臂四折入於河濱宛如龜背形周圍一千一百三十五丈九尺連堞高二丈五尺濠塹四周深一丈五尺其門南曰迎

恩東曰平秩西曰晴嵐北曰疊翠

順義縣志

增城周六里門四濠廣四丈明萬歷中甄築

本朝康熙十七年十八年重修

大清一統志

增順州故城今順義縣治唐開元中移燕州於此後改

順州

同上

臣等謹按此為唐末之順州即歸順州也

補順州舊治唐歸順州見大歷五年試太子洗馬鄭宣

力所擬開元寺碑金節使剛忠王公子明死節于此

秋澗集

增乾隆十年

御製雨中過順義縣詩

曉看春雲膩驅車冀野行忽

需垂柳色似聽滴桐聲釋矣懷人感時哉望歲情披蓑

荷鋤者相率事深耕春寒雨作雪春暖雪為雨前日

與今朝佳景隨時覩密雲失遠峰新溜添曲渚淅淅復

濛濛極目迷空所 歷歷綠塍鱗來牟色倍新榆烟低
處潤村靄澹初勻鳥噪驚簷瀑人欣浥路塵無花良亦
可不是為尋春

增乾隆三十四年

御製過順義縣城詩 行行過縣城陌柳颺烟輕白水
橋為渡青郊塵不生藩宣察吏治保障塵民情安樂真

安樂

是縣古
名安樂

春田雨遍耕

臣等謹按過順義縣城

御製詩謹繹有關紀述者恭載卷內餘不備錄

增縣治西從東直門出京往古北口驛路一道境內計程四十八里自大興縣界古柳樹一十二里至治而三家店有

行宮駐驛自三家店二十里至牛欄山鎮又一十六里

至懷柔縣界

順義縣冊

臣等謹按三家店

行宮正殿恭懸

皇上御書額曰無踰此地西室聯曰詩情詎花柳樂意
在農桑又聯曰庭饒芳草鋪生意座有芸編結古
歡捲房額曰折旋中矩聯曰雜花分戶映空翠落
庭陰又聯曰紅桃綠柳天然趣夕惕朝乾依舊身
又聯曰風烟有奇狀物象歸餘清佛室聯曰八德
靈源超覺海三明妙境照慈燈皆

御書

增縣治西北發

圓明園往熱河驛路一道境內計程二十五里自昌平州界官莊橫道一十二里至治西北南石槽有

行宮駐驛從南石槽岐路三里至北石槽又十里至昌

平界

順義縣冊

臣等謹按南石槽

行宮前殿東室恭懸

皇上御書聯曰山光積翠遙疑雪壚篆浮香近若雲西
室聯曰縱目恰宜遇察朗託懷又喜得清舒佛室

聯曰華海慈源分一滴金輪妙果演三乘

後殿額曰竟川含綠西室聯曰列嶂拖藍晴橫朝靄碧

千畦環秀香擁暮雲黃東室聯曰雜卉睇陽爭雋

絢喬柯得蔭亦森沈皆

御書

增乾隆六年

御製石槽行宮對月詩 殘靄全收晚景妍疎楊影裏

漏嬋娟詩因望夕清添興光到深秋皎徹天別院初迴

飛蓋駐行營
兩見皓輪圓
何殊上苑憑
吟處桂子風
微夜未眠

增乾隆九年

御製順義縣行宮作
將為田盤行趣此秋成間旌麾
歷冀野輪蹄背湯泉朝暾散晏溫
入我輿帷暄塗霜帶冷白坂花垂
紫股枯樹雀飛飛廣陌兔爰爰
翳棚隱茅落罷喘牛高眠困鹿戶
有積室家幸苟完所見扶鳩翁
尚鮮怨初寒由來歲功成降康端
自天行宮建勝地樹

石誠有年葺新成此日止頓因路便匪誇棟有芝詎必
池茁蓮記我書室名是處欣隨安明窓受暖曦市語隔
煩喧朶翰藻思抒習靜道心存愜適以為佳奚必居深
山

臣等謹按石槽

行宮

御製詩謹繹有關紀述事實者恭載卷內餘不備錄
原前代州治為小城方二里許四隅角樓遺跡尚存至

元二年節度使劉瑜建大廳并長廊二十八年知州大興王居政於廳左右構捕盜所吏目幕次復構架閣庫祇候直舍大德七年知州鉅野段廷珪作後廨並東西房皇慶初知州大興梁彥義起儀門高三丈餘翰林學士清河元明善為之記其驛館至元十八年州倅李讓

翔馬

梁宜順州公廨記

原元明善順州儀門記古者諸侯三門皋門應門路門今之州準古伯子男之國作儀門禮也溫榆水之陽有古城焉曰順州隸大都路地沃而民淳國家罷兵百年涵濡撫育生殖日繁蔚為饒郡郡城據亢真地郡廨

特當其亢亢有故儀門址至大四
年知州事梁君彥義始來明年百
廢次第舉民用大和迺課諸監郡
將建岑樓於址僉曰休哉民皆子
趨以獻工肇事於皇慶元年秋七
月畢工於二年夏六月登其上北
望則紅螺峻極雖五十里外若接
闌檻東北曰泰谷鄒衍吹律之山
也潮潞二水會於白漱經城東而
南注吳船來集通元橋下其西南
則天都霄漢舳舻金爵隱然鬱葱
佳氣之間羣情大悅咸曰是不可
不著興建之歲月予太史也書
必稽之典禮俾知今之州準古諸
侯之國不為不重興作制備而從
民志則太史喜為之書清河集

增順義縣署在城內正北明洪武
初建歲輔公署志

增舊治堂康熙十八年地震廢五
十五年邑令黃成章

修葺乾隆十年重修順義縣志

原順義學在縣治西洪武八年重建

明一統志

臣等謹按順義縣志縣學舊址在西門內北小巷元改置通衢即今址明崇禎七年重修

本朝康熙十九年邑令鄒琬重建

原元梁宜順州廟學記 宣聖廟未詳建於何代金明昌初提刑萊州劉仲洙降漕司錢五百千同知州事著作郎狀元爪爾佳中孚繼出俸金鄉進士馬湘寶鳴道相與翼佐營葺殿廡肖御史中丞孫郎康所寄曲阜石本聖賢像俾繪塑之鑿井于園廩給生徒欲構講室未免見泰和元年秘書少監李暘重修記聖元南牧遂毀於兵獨禮殿存焉四無垣墉鞠為牧場郡人中書右丞贈平章事順國宣靖曹公庭瑞以廟學久廢為慮迨至

元辛未知州郭幹繕殿之摧漏起東西兩廡殿後隘無數尺宣靖公懋寺僧高其價得表五丈廣倍之知州故福建道宣慰司都元帥段廷珪增塑鄒兗二公貌七十子更為明倫堂泰定甲子宣靖公之子工部尚書偉念繼先志發私帑楮幣而甲匠提舉司達嚕噶齊郭伯達耆士富察晉柴唯允共贊之剏神門左右齋學棧居室賓幕庖庫靡不全備仍甃巨井丙寅達嚕噶齊今監察御史多羅台知州王汝楨以其前阻隘巷乃市地南撤東西通達上作櫺星門由是行道之人莫不嘆美丁卯工部公於江浙造銅禮器二百三十事復購經史若干卷宜守是州刊加封大成詔圖十儒像益弟子員割錢千緡規息以資朔望祭物但闕于祀事教典者悉皆告完順義縣志按水爾佳舊作夾谷從八旗姓譜改正多羅蒙古語七數也舊作托喇今俱譯改

原營州左屯衛在縣治東

明一統志

臣等謹按左屯衛今廢

原衛本屬大寧永樂元年移於此領左右中前後五千

戶所

昌平山水記

增漕河營在縣東北牛欄山東南有把總戍守

大清一統志

原縣西北三十里有石槽三曰東石槽南石槽北石槽

元史上都兵入古北口其知樞密院事準台以兵掠石

槽是也

昌平山水記 按準台義見前舊作竹溫台今譯改

增元致和初上都兵掠石槽雅克特穆爾遣薩敦掩擊

敗之即此

大清一統志

原福山在縣南五里

順義舊志

原孔山在縣南

明一統志

臣等謹按水經注山上有洞穴開明故土人以孔

山稱据

大清一統志在縣南二十餘里

原龍山在縣南二十里下有龍泉

明一統志

原桃山在縣西北三十五里舊唐書謂之桃谷山山有

五峰如桃花瓣巨石錯落橫亘數畝元致和初上都兵入古北口留重兵屯燕樂城以輕騎進抵桃山雅克特穆爾掩擊之於白狼河追至桃山降其衆燕樂聞之遂潰白狼河即白河也一云白狼河在縣西北三十里

方輿

紀要

原史山在縣西北三十五里山石戴土高百餘丈狀如眠弓南望京師城闕金碧眩目寺宇皆唐時建

名勝志

臣等謹按順義縣志山有卧佛寺

原縣北二十里為牛欄山山上有洞俗傳有金牛出焉
至今洞前石壁為小槽形名曰飲牛池山北里許有小
山昔有仙人騎牛來遊因名靈蹟山宋王曾上遼事曰
順州至檀州漸入山牛欄當其要路也上之東麓潮白
二河合焉有龍王廟山之東南為漕河營有城二門把
總一人守之

昌平山
水記

臣等謹按畿輔山川志亦名金牛山

原遼置牛欄都統領司

遼史百
官志

補帝次牛欄山欲盡戮漢軍穆呼哩以舒穆魯拜達勒
可用奏釋之

元史

原牛欄山改名順義山

明一統志

原牛欄山與狐奴山相望其第三峰腰帶間一洞相傳
曾有金牛出食禾稼田畯逐之遁入洞穴有投以甌石
者輒聞水聲或以物擲之良久自山傍白河浮出其北
里許靈蹟山二山一脈前山石身負土後山土身戴石

前大後小行人搃以牛欄名

長安客話

原順州北有銀冶山

元混一方
與勝覽

臣等謹按據

大清一統志山今在密雲縣南十五里

原順州東北過白嶼河北望銀冶山

王文正
上遼事

原呼奴山亦名狐奴山

明一
統志

原縣東北二十五里為狐奴山水經注水不流曰奴蓋

以上前瀦澤名也其北麓烏道而上里許漸濶漸平有

寺寺後有小石城山下有龍潭今涸山西南百步有漢

狐奴縣址魏文帝黃初二年省

昌平山
水記

原曹王山曹操常駐軍於此

遼史

原沽水西南流逕狐奴山西又南逕狐奴縣故城西漁陽太守張堪於縣開稻田教民植種百姓得以殷富童謠歌曰桑無附枝麥穗兩岐張君為政樂不可支視事八年匈奴不敢犯塞狐奴王莽之舉符也

水經
注

原白河經靈蹟山黃花鎮川河入焉又南經牛欄山東麓潮河流合焉又南逕縣城東門外

方輿
紀要

原道人溪水南流逕孔山西上有洞穴開明故土俗以

孔山稱

水經注

原縣西南二十里有天柱村三十里有葦溝村村東臨

溫餘河渡渡南有長城遺跡遼史順州南有齊長城城

東北有華林天柱二莊遼建涼殿春賞花夏納涼者也

齊長城天保中所築沈括曰幽州東北三十里有望京

館東行少北十里餘出古長城即此

昌平山水記

原溫餘河即昌平之榆河下流為沙河入順義西南界

下至通州入潞河順義謂之西河金人名縣曰溫陽以
此遼史作溫榆河本水經注之濕餘河以字相似而譌
也

同上

臣等謹按許慎說文濕水為漂水之訛則溫餘濕
餘並當作漂餘水

原順義縣有井一日三溢海潮則大溢相傳源與海通
民疏其水為渠灌田百畝號曰聖井

燕山叢錄

原狐奴縣舊城在縣東北三十里狐奴山西麓

順義縣志

原唐南河縣故城在縣東南二十五里而軍都縣故城在縣西三十里蓋軍都之別徙者也

昌平山水記

原城內四達之中有白石幢下方上銳每方廣二丈高三尺又上重之八角各高二尺餘刻獅象海馬之形又上為十二闌干為千葉蓮花座又上漸狹漸圓中石心一圍刻佛像千尊外石柱六各盤螭虎四距又上竹節小柅可三尺餘又上荷葉寶蓋二尺餘四門城樓僅與幢基址平遙望之層層如雲中麾蓋也

同上

原縣西三十里有燕王冢或曰水經注所謂濕餘河在

燕王陵南者也

同上

原開元寺有唐大歷五年試太子洗馬鄭宣力撰碑

秋澗

集

臣等謹按開元寺在縣治東隅俗稱為東大寺

原締興寺在縣治西南洪武八年建

明一統志

臣等謹按締興寺在縣治西門內俗稱為西大寺

補順州有龍雲寺

元崇國寺碑陰

原呼奴山白雲觀有元大德八年集賢學士宋渤碑

水涿

亭雜

識

原宋渤白雲觀記畧

真人張霞卿弟子張道寬居順

州之呼奴山白雲道觀能以符水救人大丞相東平王

嘗有瘍生體中醫藥罔效道寬治以符

水遂愈王為之構觀云順義縣志

原王梁為郡吏太守彭寵以梁守狐奴令

後漢書本傳

原上谷太守任興欲誅赤沙烏桓烏桓怨恨謀反詔鄧

訓將黎陽營兵屯狐奴以防其變訓撫接邊民為幽部

所歸

同上

原遼聖宗統和十二年十二月獵於順州西甸遼史游幸表

原王晦字子明澤州高平人貞祐初為戶部郎中以部兵守順州時通州圍急晦攻牛欄山以解通州之圍遷翰林侍讀學士及順州受兵晦誓死不去將士絕城出降被執不屈以死謂其愛將牛斗曰若能死乎曰斗蒙公見知安忍獨生并見殺贈榮祿大夫樞密副使有司立碑歲時致祭錄其子汝霖為筆硯承奉金史原順州山中有異獸如馬而食虎豹遼人不知其名以問劉敞敞曰此所謂駁也為言其形狀聲音皆如所見人嘆其博物

東都事畧

欽定日下舊聞考卷一百三十八

欽定日下舊聞考卷一百三十八舉正

營州南五柳城原書城訛作戌今改

朱彝尊
原按

欽定日下舊聞考卷一百三十八舉正

欽定四庫全書

欽定日下舊聞考卷一百三十九

京畿

懷柔縣

原懷柔縣在州東北一百里

明一
統志

臣等謹按明正德初以縣屬昌平州

本朝改屬順天府在府東北一百里

增東西距二十五里南北距三十八里東至密雲縣界
二十里西至昌平州界五里南至順義縣界十里北至

密雲縣界二十八里東南至平谷縣界九十里西南至昌平州界五十里東北至密雲縣治四十里西北至昌

平州界三十里

大清一統志

原懷柔縣其地乃燕之北境太子丹使荆卿獻地圖蓋

謂此地

太平寰宇記

臣等謹按太平寰宇記此條為歸順州所理之懷

柔乃今之順義

增漢漁縣地唐初為密雲昌平二縣地

大清一統志

臣等謹按此為今之懷柔明洪武中分置之地

原唐貞觀六年置懷柔縣治五柳城改順義縣開元四年置松漠府彈汗州天寶元年改歸化郡乾元元年復

今名

遼史

臣等謹按太平寰宇記順州理賓義縣唐貞觀六年置寄治營州南五柳城天寶元年改為順義郡乾元元年復為順州四至八到與范陽同此順州也通典所謂順義郡置在范陽郡城內者是矣歸

順州理懷柔縣即元順州之北境開元四年置為
松漠府彈汗州天寶元年改為歸化郡乾元元年
復為歸順州是歸化郡乃松漠府彈汗州所改其
地南至幽州即范陽郡八十五里西南至幽州七十五
里為今順義縣地朱彞尊所云今之順義本歸順
州歸化郡非順州順義郡是也至今懷柔乃明初
析昌平密雲地所立雖取古名實非舊地考遼史
順州歸化軍領縣一懷柔有溫餘河金史領縣二

溫陽密雲溫陽溫餘水之陽也即懷柔所改今溫
餘水入順義北界不經懷柔界是可証昔之懷柔
為今順義而非懷柔矣遼史此條混歸順州於順
州固多舛錯彞尊既以歸順州為順義復以此條
并下條載入懷柔是又混懷柔於順義矣

增歸順州歸化郡本彈汗州貞觀二十二年置開元四

年更名縣一懷柔

唐書地理志

原金明昌六年改為溫陽縣元廢

方輿紀要

臣等謹按此為今之順義

原明洪武十三年分密雲昌平二縣地建懷柔縣在順

義縣北屬北平府

清類天文分野之書

臣等謹按此為今懷柔地

原縣屬順天府正德中改州屬

方輿紀要

增乾隆六年

御製懷柔縣詩

山園古郡富耕桑此地前朝是戰場

四海懷柔原在德由來禮義固金湯

增乾隆二十五年

御製懷柔縣東詩 懷柔縣東潦盡灘長橋空卧沙渚
寬去歲曾此待度難芟捷絞縛劬且艱事半功倍古有
言不如乘時理信然村民道左鞠脰蹠年年許覲顏尺
咫今秋收穫詢如何都道人和緣歲美觀茲景象寧不
喜陡憶下河復被水多方賑恤付有司曾否勤宣善經
理中心藏之何日已

增乾隆二十六年

御製懷柔縣東壘去歲詩韻 去歲此經乾石灘今秋

一望潦水寬柳橋縛架又值難昨宵待宿工就艱道遙

河上風人言前秋景况今復然

去歲過縣東秋潦已盡視已邇經此新漲方盛

情景迥殊曾有詩記事今年所值與前歲畧同命侍衛等相視便道測流徑渡並不需前詩芟捷紋縛之勞矣

一二地方吏來跪請罪進寸退且咫笑謂更不須汝曹

羽林一一雄材美厄魯回人尤色喜撒捩踴躍善行水

牽馳驅馬須臾間輕裝運畢百度理我亦乘舟渡河已

增乾隆四十六年

御製彈汗行路經彈汗州

懷柔縣貞觀二十二年建彈汗州

因作彈

汗行自昔蒙古長原有汗之稱長城以北東西亘各據

部落雄相爭文皇欲彈壓若輩邊州因以此額泐巖城

而何四夷君長上尊號既笑卻之後乃賜書四夷遂用

可汗名

唐太宗貞觀中西北君長請上尊號為天可汗却之然其後賜書四夷及屬國上書遂稱天可

汗云彈汗行慢言唐事試言我皇清四十九旗為舊屬久

去汗號惟以王公帶礪百世榮

科爾沁等旗舊亦有稱汗者自太祖

太宗時內附即請去其汗號受王貝勒公等封矣

四喀爾喀實後附仍其汗號

乃我

皇祖沛恩宏

喀爾喀于康熙年間為噶爾丹所逼棄其部落挈人戶求內附皇祖許其來歸

故車臣汗烏默赫札薩克圖汗額爾克阿海巴朗尋皆仍存其舊號與四十九旗同備藩服朕雖不

德定準部亦存其汗號都爾伯特至今世祿其孫曾

乾隆

二十年平定準噶爾部封都爾伯特與綽羅斯輝特和碩特四族台吉為四汗並分建王貝勒貝子公遊牧如

四十九旗喀爾喀之例嗣綽羅斯輝特部落尋以叛逆自取滅亡惟都爾伯特始終恪守臣節其子孫至今世

受封爵部落耕牧安生云其餘自作孽覆祀非我黷武逞嘉兵

綽羅斯汗

自噶爾藏多爾濟被戮後其族屬殄滅無幾輝特汗巴雅爾亦以叛逆誅和碩特汗沙克都爾曼濟心懷攜貳殲

之于巴里坤皆因反覆煽亂自底滅亡非欲嘉兵黷武
也其原委詳見西師詩至土爾扈特汗亦準噶爾四衛
拉特之一初竄歸俄羅斯傳數世至渥巴錫挈全部戶
口十萬餘來歸因命仍其汗號分地安居聽給耕牧一
遵皇祖收撫喀爾喀之例優加恤養詳見歸順優恤二記最後土爾扈特自歸順

仍其汗號無庸更彈汗行何須彈壓惟塵懷柔情各部
入覲循茲以入京億萬斯年受恩保土與國享昇平

增乾隆四十七年

御製過懷柔縣詠古詩 彈汗貞觀名蓋因突厥輯以
武開元易懷柔圖撫以文繩厥祖徒武失剛徒文柔胥

非中道那永輯而撫雖然用剛過者其禍速不如用柔
禍緩略能久叶得其中者信難哉要在文武並用無逸
以為所懷柔去京百餘里古所謂守在四夷者即此祇
今伊犁建城興屯田其遠較茲奚啻倍而從此非誇也
實懼乎自我得之敢不業業兢兢守在已復申其說曰
要于敬

天愛民而已耳

臣等謹按懷柔縣

御製詩謹繹有關紀述事實者恭載卷內餘不備錄

原王世貞懷柔道中作
家梅雨色衣袖麥秋寒過
馬足吾何限山行稍自寬
人

沙雁起一一向長安
弇州山人稿

原楊旦懷柔道中作 春城樹樹亂啼鴉鎮日山行未

見花田野蕭條村落靜土橋

茅屋兩三家 惜陰小稿

原縣舊有土城創自洪武十四年至成化三年易以甃石弘治十五年以城大民少去其西偏而城其東偏開三門東曰咸陽南曰拱衛西門最小以便汲水知縣事保德李士元開大門於西名曰留照復易東門曰迎旭

南門曰開薰西小門曰湧泉隆慶二年增設甕城敵臺

萬曆八年知縣屯留龐鳳鳴闢東小門名曰通利

懷柔縣志

原懷柔城大兵少弘治中截其東偏而築之故縣治在

西門也城周四里六十步三門嘉靖末設兵備僉事於

此尋罷後以守備一人駐焉

昌平山水記

補懷柔城極堅整西南在平地東北則因山為之其南

甕城可盤馬麗譙片石記萬曆九年增修丈尺末云並

用純灰鋪底灌坭全完以垂永久宜其歷百年尚如新

築也

溫陽
紀略

臣等謹按縣志成化三年巡撫閻某重修弘治十五年兵備道錢承德改築有大學士謝遷碑隆慶初縣令蔡孔泮增設甕城敵臺萬曆八年邑令龐鳳鳴重修仍易其門又開一東小門添設城樓三其後邑令賈濬復加修葺有賈濬碑三十三年久雨城圯邑令史國典請修有昌鎮營遊擊管朝爵城工記其後東大門西小門俱閉止留三門

本朝康熙五十九年地震城北面圯六十年四月

聖祖駐蹕懷柔

特命修築越明年告成

增謝遷重修懷柔城記 懷柔為邑東連密雲潮河以
抵於山海西接昌平居庸以及於雲中實古幽燕之域
也我太祖載造區夏于是割昌平密雲二縣之地為懷
柔以屬於北平及太宗定鼎燕京陞北平為順天而懷
柔仍隸之經制之初城郭未備比歲巡撫都御史錢塘
洪鍾按節是邑召知縣事祥符劉淮授以規畫俾圖新
之於時山東按察副使姑蘇錢承德適領兵備之任專
董其役畚鍤雲集板築並興城以丈計者二千有奇外
悉甃以磚石樓櫓雉堞畢備闢二門以通出入東曰咸
陽南曰拱衛引渠通水道俾無淫潦之患始事於弘治

壬戌之春二月六閏月而告竣功既畢邑庠訓導閩人黃璋請記其成弘治十六年夏五月日立石

增管朝爵重修懷柔城記 萬厯乙巳春懷柔城以靈雨傾頽邑侯史君為保障慮申請修築以不佞任分修之責先分外口碑城自東北角臺起至南門東止凡五段共長七十丈八尺裏口西門甕城碑工一段長七丈二尺繼分修隨牆土城自東北角起南至東南角臺西空止凡五段共長七十一丈八尺大西門迤北土城一段長二十五丈西門迤南土城一段長二十五丈共土城一百二十一丈八尺俱用墁頂女牆磚灰疊砌裏外口碑土城工共一十三段共長一百零八尺自二月十四日始至五月初十日報竣萬厯三十三年五月日立

石 原唐順之登懷柔城作 塞下孤城古白檀半臨平野

半依山秋來亭堠無烽火官馬千家苜蓿間 荆川集
增查慎行雨後過懷柔城外詩 火雲突兀城頭地

近黃花古戍樓好是綠陂新過雨
路平如掌接檀州 敬業堂集

增

行宮在南門外

懷柔縣志

臣等謹按懷柔縣志康熙四十九年始以三教堂
舊址改建祇園寺遂建

行宮於其地五十三年增修

正殿東室恭懸

皇上御書聯曰目同碧宇朗無盡心與白雲散以閒西

室聯曰千畦香撲黃雲徧列嶂屏拖碧靄橫佛室
聯曰覺路圓通參妙諦法幢清淨領真香

後殿東窗聯曰輕風楊柳迎頭爽濃露郊原蓄目清
御書

增乾隆二十九年

御製懷柔縣行宮停蹕詩 彈汗緣耀武歸化欲敷文
自在綱維挈寧闕名字紛行宮纔數字停蹕迴堪欣敦
樸欽

先典吾惟揚覲勤

臣等謹按懷柔縣

行宮

御製詩恭載首見之篇餘不備錄

增縣治在大西門內歲久庳壞康熙五十六年邑令吳景果即舊址構堂五楹曰泰春堂堂前古栢四株三年物也堂東偏古樹之下構書室三楹移植紅螺山叢

篠數竿於軒下曰螺竹軒

懷柔縣志

增吳景果泰春堂記 縣治自門垣以至堂寢歲久頽壞余至斯就縣廳後考中堂三間為視事之所歲丁酉二月大雪中堂亦傾乃即舊址構堂五楹視舊稍軒敞焉會湘潭陳公滄洲來署道篆為書其額曰泰春堂蓋以斯邑地小民貧有待於吹暖律而布陽和也康熙五十六年八月記 縣治石刻

增縣學在縣治東明洪武十五年建

大清一統志

原縣學明倫堂成化庚寅教諭餘姚趙顥所構泮池萬

厯甲午知縣全州蔣守浩所鑿

懷柔縣志

臣等謹按明洪武初設縣即立縣學成化中有修撰王華重修明倫堂碑萬厯中有教諭胡朝卿創

鑿泮池記天啟三年重修大殿崇禎七年增修兩

廡戟門啟聖祠明倫堂有教諭王建極碑

國朝康熙五十五年邑令吳景果重修

增王革重修懷柔學明倫堂記懷柔乃京北屬邑往者常議修學不果講堂歲久傾圯成化庚寅餘姚趙先生顯蒞教是邑與諸生之賢者商推其事又募之富室得緡若干卜日鳩工制倍于昔時諸生請立石先生止之暨先生秩滿轉官閩之政和閩二三寒暑訓導池州葉君勝詢得明倫堂營繕之由慨然請予言勒諸石增胡朝卿創鑿泮池記懷柔建學垂二百年有奇泮池獨缺萬厯癸巳全州蔣公守浩來蒞茲土下車謁廟咨嗟久之越明年甲午春進諸生諭以意擇日興工鑿池於橋星門內周七丈深十尺起三橋樹以欄杆砌以

臣等謹按四關皆密雲石塘嶺關都司所轄舊志
自白峪以西摩天峪關凡九口皆載入縣境今白
道峪牛盆峪小水峪三關屬密雲渤海所摩天峪
二關屬昌平唯自大水峪以西至升連口之黃草
窪邊城凡六十里為懷柔邊境詳見邊障門

增紅螺鎮在縣北十里

大清
一統志

增羅山在縣東十八里

同上

原栲栳山在縣東南九十里山前有雲巖寺又有硯堂

增灰山在縣西四里

懷柔縣志

增峯山在縣西南五里三峯高聳上有真武廟山屬昌

平東址為懷柔界

同上

原紅石山在縣西北三里山頂有石泉瑩潔如玉一名

玉泉山

同上

臣等謹按據

大清一統志泉在山頂石窟中

增景山在縣北十八里山麓有定慧寺今廢

懷柔縣志

原紅螺山在縣北二十里高二百仞下有潭潭中嘗有

二螺色殷紅夕吐光燄土人異之因以名山

明一統志

增山高二百仞石山也衆山皆青沈沈獨黑日午麗之

不秋而紫

帝京景物畧

原紅螺山有泉一綫以珍珠名其水湧如噴珠

客長
話安

朱彛尊原按遼史檀州有螺山金史順州有螺山

王沂公上遼事順州東北有螺盤山皆指是山也

臣等謹按遼史檀州統縣二密雲行唐金史順州

統縣二溫陽密雲今懷柔為密雲所析彛尊以螺
山為即紅螺山似非無據但考太平寰宇記密雲
有桃花山螺山今其地皆屬薊州據

大清一統志密雲東南至平谷界九十里又東南至薊
州界六十里共一百五十里寰宇記密雲東南至
薊州界一百九十里則舊時密雲所屬之地尚有
四十里入薊州界然考魏氏土地記云漁陽城南
五里有螺山漁陽今薊州治據此是薊州近界當

五里亦正近三河之北也螺山今在薊州詳前條

原縣東北二十里有神山又有金鐙山山頂夜常有光

因建金鐙寺

懷柔縣志

增卸甲山在縣東北三十二里

大清一統志

原象山在縣東北四十里山形如象

懷柔縣志

臣等謹按原本內尚有黍谷山七條在縣東四十

里今縣東止二十里則山在密雲西界也謹據

大清一統志改入密雲

原縣東七里為白河又東十五里為潮河

昌平山水記

臣等謹按一統志白河從密雲西界南逕縣東又

原縣東三里有小泉河又東五里有雁溪俱流入白河

懷柔縣志

臣等謹按縣志小泉河源出紅螺山珍珠泉雁溪源出塞外經神堂峪由縣東王化莊入白河

原七渡河在縣西南一里

懷柔縣志

原朝鯉河亦名七渡河

王文正上遼事

臣等謹按縣志七渡河發源塞外經黃花鎮川至

縣境下入白河

增浮橋五處西大橋在縣西一里南富樂橋在縣東一里疊道小橋在王化莊下有泉源匯為深潭土不能墊故架橋焉王化莊橋在王化莊東東大橋在房家莊西

北

懷柔縣志

補釣魚臺在懷柔縣西三里山水殊勝澗流至此廣丈

餘橫板橋以渡東南一望渚煙村樹彷彿江鄉

溫陽畧記

原孤臺在縣北三里舊有金勝寺塔今廢

懷柔縣志

增砥堂寺在縣東八十里漢時名曇泉寺明正德中改

今名

一統志

增祇園寺在南門外上同

上同

臣等謹按寺內大殿前簷恭懸

聖祖御書祇園寺三字額後殿前簷額曰示真實相亦

為

聖祖御書

增奉聖寺在城西南五里有明尚書甘為霖詩碣寺今

廢碣移城隍廟

大清一統志

原能仁寺在縣治西北洪武十八年建

寰宇通志

原紅螺山麓有資福寺古之大明寺也創於金皇統初
年距縣一十五里又有定慧寺亦在山麓建有萬壽齊

天二塔距縣一十八里

懷柔縣志

王與書稱寺始於唐金世宗大定間召佛覺禪師於真
定之宏濟來住茲山元神宗時詔雲山禪師以榮祿大
夫大司空佩一品銀章主大聖安寺內侍大司徒王伯
順以大明為聖安宗派請太皇太后發帑五萬為修寺
之資至正中雲山從聖安歸老於此盡捐前後所賜金
帛重修焉蓋沙門檢校司空在遼時已然金元循之不
改也碑又云兩紅螺死為雙浮圖瘞之寺中今寺一池
曰紅螺池三面皆果園花時遊覽頗勝殿西有竹一畝

寺東南二里許為明懷寧侯孫武敏公墓有兩碑一李

賢撰一彭時撰中一碑刻諭祭文

溫陽紀畧

增禮部尚書胡濙景山定慧寺碑畧都城東北懷柔縣景山之陽去人境雖不遠而巖壑鬱紆峯巒峭拔泉清水深最為勝處經始于正統七年建前後大殿藏經殿天王殿兩廡山門方丈祖師伽藍齋室禪堂庖福庫庾鐘鼓二樓僧房垣墉畢備八年二月二十七日賜今名其寺北據景山東倚大荆山西接紅螺山南望小荆山一大叢林也普照廣明碧峯永安圓明寶安諸山梵刹及泉水菴俱為下院

增雲巖寺在栲栳山向有道院名栲栳磚金乾統中華嚴祖師居此有沙門圓揆塔記明景泰中重建勅賜今

名有尚書胡濬及沙門德洽碑成化中重修有大學士

商文毅公輅重修記

懷柔縣志

增金華嚴祖師義琛玉田李氏子幼喪母事繼母以孝
聞年十二辭家訪道得清虛修煉之術父訪令還家更
習儒業通文史壽昌五年試中甲薦名上不赴遂為僧
乾統初於栲栳磚立小院前後訪法者二百餘人後染
末疾入定如眠有紅光發於頂面照滿一室今塔尚存

同上

臣等謹按髻髻山東四里建

行宮一所正殿恭懸

皇上御書額曰巖蒼樹古西室聯曰天地為鑪游心物
以外詩書敦好尚論古之人捲房額曰韻松軒聯
曰端居向林藪勝賞在煙霞佛室聯曰琉璃光淨
徧空界蒼筤花開霏妙香後室聯曰嵐影交牕翠
松陰入座濃亭額曰山意足皆

御書其西四里登山為碧霞元君廟前殿外簷恭懸

聖祖御書額曰敷錫廣生殿內恭懸

皇上御書額曰神霄朗照後殿額曰慈護香巖

玉皇閣額曰泰鈞普育精舍額曰寫霧軒皆

御書玉皇閣前恭勒

聖祖御製碑文

增

聖祖御製髻髻山玉皇閣碑
距京師百里有山曰髻

髻隸懷柔縣兩峯高矗望之如髻故得是名自元明以

來號為近畿福地因上有碧霞元君之祠是以每歲孟
夏四方之民會此祈禱者駢肩疊跡不可勝計古稱積
高之區神明所舍况茲山北依紫塞南拱神京岡巒迴
合蜿蜒磅礴而鍾秀於是則其神氣之感數有靈應理
固然也康熙五十二年值朕六旬誕期諸臣民就茲山
瞻禮為朕祝禧因共建玉皇閣以祈延壽始于癸巳三
月十八日落成於甲午三月十八日而請記其事朕御
極五十餘年夙夜孜孜唯體

上帝仁愛斯民之心以撫綏天下幸四海清晏年穀順成朕與天下臣民得同享太平之福者皆

上帝之眷祐也朕之祇承於

上帝者唯在天下臣民之永安而天下臣民之願祝於上帝者唯在朕躬之永年然而茲閣之建即

上帝之陟降監觀於是乎在矣爰立貞珉載其始末以傳永久云

增乾隆十二年

御製髻髻山詩 鳴梢蘭磴迴點筆綺牕虛秀野春雲
合單椒曉景舒水如銀匝匝山是紫芙蓉柳態籠煙際
桃姿過雨餘暫來欣攬結欲去更躊躇綠字前秋詠還
如昨日書

增乾隆十八年

御製題髻髻山碧霞觀詩 四面山圍畫屏幃中天路
豁界玻璃靈峯光幻同金馬神澤依稀擬玉雞夢雨初
晴嵐翠濕小春猶暖櫛銀低平生懶問長生術羽客休

誇躡景梯

臣等謹按髻髻山並碧霞觀

御製詩俱恭載首見之篇餘不備錄

欽定日下舊聞考卷一百三十九

欽定四庫全書

欽定日下舊聞考卷一百四十

京畿

密雲縣一

原密雲縣在州東北一百二十里

明一統志

臣等謹按密雲縣明屬昌平州

本朝改隸順天府

增東西距一百十里南北距一百三十五里東至牆子
嶺關界九十里西至懷柔縣界二十里南至三河縣界

三十五里北至白馬關一百里東南至平谷縣治九十里西南至順義縣治七十里東北至古北口一百二十里西北至懷柔縣界三十里

大清一統志

增春秋及戰國並為燕地秦漢並屬漁陽郡

通典

原漢白檀縣地屬漁陽郡

方輿紀要

原檀州密雲縣即漢庠奚縣舊治

續通典

原後漢以居斤奚

遼史

原白檀縣即古北平

續漢書

增晉時郡縣俱廢後魏復置漁陽縣屬漁陽郡

大清一統志

原後魏皇始二年置密雲郡治提攜城領白檀要陽密

雲三縣

昌平山水記

原魏兼置安州後齊廢郡及二縣入密雲又廢安樂郡

之土垠入安市

隋書

原後周以安樂郡安市縣并入密雲改安州為元州隋

開皇初徙元州於漁陽十六年又割幽州燕樂密雲二

縣于舊元州置檀州大業三年州罷為安樂郡唐武德

元年仍改檀州

清類天文分野之書

臣等謹按開皇十六年太平寰宇記作十八年

原以斯地燕之邊陲管障塞軍五千

開元十道要略

原萬歲通天元年置漁陽軍開元十九年更威武軍又有鎮遠軍故黑城川也有三叉城橫山城米城有大王北來保要鹿固赤城遼魯石子畝七鎮有臨河黃崖二

戌

唐書

原天寶元年改為密雲郡乾元元年復為檀州

太平寰宇記

原石晉以賂遼

宋史

原遼為檀州武威軍領密雲行唐二縣

昌平山水記

原宋宣和四年金人以州來歸賜郡名曰橫山升鎮遠

軍節度七年金人復破之

宋史

原金廢州以縣屬順州後復為檀州以密雲并入

方輿紀要

原元屬大都路

清類天文分野之書

原明改州為密雲縣屬順天府正德中改昌平州屬

方輿紀要

紀要

原舊城創于洪武年設三門周圍九里十三步新城築於萬厯四年在舊城之東設三門周圍一千一百七十

九丈

密雲縣志

原新舊城兩端相連總督府居其中

昌平山水記

臣等謹按前明薊遼總督府今廢

原縣為薊遼總督所駐

名勝志

原縣治在鼓樓西明萬厯二年重建

密雲縣志

臣等謹按密雲縣署康熙五十九年修葺雍正元

年縣令薛天培重修

原縣學在鼓樓東唐貞觀十二年漁陽刺史韋宏機創建金季兵燬元至元二十八年知州楊璉重修至正六年知州聶守節擴地增修明洪武十一年知縣唐忠重

修

密雲縣志

原唐顯慶中韋宏機為檀州刺史以邊人陋僻不知文儒貴乃修學宮畫孔子七十二子漢晉名儒像自為贊敦勸生徒由是大化

唐書

原元王思誠重修懷州文廟碑記 懷州漢為邊郡今
縣內近地州舊有孔子廟燬于金季兵至元二十八年
知州楊璉等割俸緡即州治東市民宅重構殿宇為堂
三楹兩廡四楹以棲聖賢迄今五十載寢至傾圯元至元
六年太原嚴侯字用之由行唐尹管巡院使來守是州
拜謁祠下顧瞻荒陋慨然以修復自任退而謀諸監州
邁珠及同知巴延判官崔克猷共割俸鈔為衆倡州中
有好義者翕然出資以助於是新木于山陶甕于河鳩
工不日悉撤其故堂崇其基宏其度為殿三楹葺兩廡
增其楹為六創神庖若大成門重門齋舍仍以故堂廢
材又為築講堂及教官宅碑棊共十三楹繪塑一新金
碧晃耀視昔為有加矣侯之致力不惟是州為然其在
行唐亦新三皇孔子廟及醫學儒學憲使富珠哩剡刻
詩于石以頌其德程學之興經營於三年之仲春再越
期而落成集賢學士揭傒斯監察御史崔特穆爾布哈
扁額于殿堂之上嚴侯又欲勒石以紀歲月命學正宋

文佐以文為請遂為書其始末系以詩曰白檀之臣昔
為邊隅厥俗於荒罔習於儒今為內甸密通神都郡費
攸設文教斯數明明聶侯說禮教書睦茲孔廟我陞庠
陳乃即同官載詢載謀悉撤其故恢宏其模完嚴益新
輪如與如法度殖殖還字渠渠有宅其師有庇其徒巍
巍聖道洋洋嘉謨允迪惟哲罔念則愚嗟嗟士子惜此
居諸學古入官復厥生初作興時偕身與道俱此惟聶
侯德化之濡在漢文翁異世同符太史作頌以永厥譽
爰告後政勉循今圖 密雲縣志
按遵珠舊作買佳今對音譯改

臣 等謹按密雲縣儒學明嘉靖四十五年修翰林

侍讀王希烈有記萬厯四十一年修翰林顧玉繩

有記

本朝順治十七年修戶部侍郎袁懋功有記康熙五十年修編修李掌圖有記雍正二年重修見

大清一統志

原白檀書院在縣治東南密雲兵備濟南王見賓建館之東曰秋實西曰春華其前為堂稍進為亭庖湍悉具

羅列花石于庭又建社學齋房以訓童子

密雲縣志

增八旗駐防營距密雲縣城東北三里官署及兵房共四千八百七十二間設副都統一員協領四員佐領十

六員防禦十六員驍騎校十六員兵二千名

密雲縣冊

臣等謹按密雲縣城外八旗駐防營乾隆四十二

年奉

命創設解字四十五年移駐

原密雲驛在舊城南門外洪武十二年建

密雲縣志

臣等謹按密雲驛

本朝尚仍其舊

增

聖祖仁皇帝御製過密雲縣作 秋氣驅殘暑青林墮
葉稀馬嘶涼籟動蟬噪夕陽微河繞遙通塞山迴盡拱
畿黍苗膏雨足歲事念民依

增

聖祖御製密雲縣作 連年駐蹕此城隈雲谷無塵金碧
堆斗室何妨宇宙志晨昏常掖

輦輿回

臣等謹按密雲縣志縣署二門內於康熙四十一

年建

聖藻亭恭勒

聖祖御製是詩於石

增乾隆六年

御製密雲道中望長城詩 秦時闐堞漢時山總為天

驕守禦艱此日長城為苑囿三秋巡狩數經還

增乾隆二十四年

御製密雲行 京北重鎮稱密雲巖城埤堦新舊都控

制三邊列榮戟勝國曾此屯萬軍兩山寺塔節瑞建南
者已頽北猶存靡餉士不得實用剝民奉已祈佛恩爾
輩富貴亦何在空令過客興慨論白河流西朔河左徒
觀形勝誠復可由來在德語不刊詎誇扼險牢關鎖即
今大宛為荒服木蘭近圉來往熟築堤障水惟利民

康熙

年間
事 我每經行緬

聖濁得勢不事守有餘失勢竭力守不足勢匪地利實
人和敬已勤民籲

皇上御書聯曰人家煙見翠微裏天宇晴開碧嶂頭佛
室聯曰香雲徧滿華嚴界甘露長滋福慧田

後殿額曰遠翠雲標東室聯曰最宜觀處皆成畫於暫

閒時輒詠詩西室聯曰逕幽仍隱綠窓啓乍來青
又聯曰康功北郭桑麻裏爽氣西山襟袖間皆

御書

增乾隆八年

御製密雲行宮晚坐詩 金風玉露靜秋天別館初開

翰墨筵亦有蛩聲啼砌下那無月色到窓前山圍大野
寥蕭夕宇轉新晴淡拖煙何必御園雲水榭忘懷是處
俗塵蠲

增乾隆十二年

御製密雲縣行宮對月詩
朔塞返行旌離宮駐清蹕
天籟發庭柯蟾輝入我室
過壘輪尚圓戀秋情更逸
盈匡經兩度來往渾一律
鳥語話疇曩蛩音助蕭瑟
漸覺翠峯遙對此銀雲櫺
隨時愛景光夜窓聊點筆

臣等謹按密雲縣

行宮

御製詩謹繹有闕紀述者恭載卷內餘不備錄

增密雲縣東北三十五里羅家橋恭建

行宮

密雲縣冊

臣等謹按羅家橋

行宮康熙五十一年建

正殿西室恭懸

皇上御書聯曰千畦香撲黃雲徧列嶂屏拖碧靄橫佛
室聯曰照海慧珠通眼藏霏空法雨滌心源皆

御書

增密雲縣

尖營坐落有四一在栗園莊東一在穆家峪莊南一在

華家店莊東一在老王店莊東

密雲縣志

增乾隆三十八年

御製過穆家峪即事四首 穆家峪北細流河草園支

橋謂費多却憶前秋泛異漲徘徊河畔未能過 前朝
雨勢較南稀禾黍雖苗芄亦微再霈優霖方助長眼看
稚綠嬾鞭揮 籌農逐處為心縈在此仍因望雨悵却
有願情云利旅最難齊者是人情 氣候南暄漸北寒
行看麥穗尚青攢晴資熟麥雨資黍措念一時竟兩難

臣等謹按穆家峪

御製詩恭載首見之篇餘不備錄

原大峪錐山在縣北

方輿
紀要

原至元十三年霧靈山伐木官劉氏言檀州大峪錐山

出鐵鑛有司覆視之尋立四治

元史五行志五

原至元二十五年九月罷檀州淘金戶

元史世祖紀

增清都山在縣東五十里舊有清都觀故名

大清一統志

原龍門山在縣東六十里有黃崖洞懸泉如瀑布

方輿紀要

原密雲山不出泉惟縣南十里山麓有二泉相踰僅數

尺滙為一流稱聖水泉山亦因以名泉上有初月亭

長安

客話

臣等謹按密雲縣志亭為明萬厯間都護戚繼光

建又有龍女祠今俱廢

原密雲山在縣南一十五里

明一統志

原密雲山一名橫山郡所以名也

昌平山水記

原慕容皝以段遼屢為邊患遣將軍宋回稱藩於石季

龍請師討遼季龍統衆而至及徐無遼奔密雲山季龍

進入令走怒皝之不會師也進軍擊之皝遣子恪率騎

二千晨出季龍諸軍驚擾棄甲而遁段遼遣使詐降于

季龍請兵應接季龍遣將麻秋率衆迎遼恪伏精騎七

千于密雲山大敗之獲其司馬陽裕將軍鮮于亮擁段

遼及其部衆以歸

晉書

原段遼為石虎所敗奔平岡山

晉紀

原山近漢平岡縣界唐置橫山城為守禦處蓋置于山

下

方輿紀要

原縣南二十里為白檀山漢所以名縣也

昌平山水記

原密雲有隗山

唐書

原山在縣南三十里

方輿紀要

原山下即密雲故縣

密雲縣志

原黍谷山在懷柔縣東四十里跨密雲縣界亦名燕谷

山

明一統志

臣等謹按據

大清一統志黍谷山在密雲縣西南十五里又密雲縣

志谷中有廟基址猶存舊城東門外有鄒衍吹律

處碑因建新城隳今新舊二城夾道中有鄒大夫

祠據此則黍谷應編入密雲原本與下五條俱列
懷柔縣門今移改

原燕有黍谷地美而寒不生五穀鄒子居之吹律而溫

氣至

劉向
別錄

原燕有谷氣寒不生五穀鄒衍吹律致氣既寒更為溫

熱以種黍黍生豐熟到今名之曰黍谷

論衡

原鄒衍吹律能變寒谷生禾黍

獨異
志

原黍谷亦謂之寒谷吳越春秋北過寒谷左思賦寒谷

豐黍吹律以暖之是也山有風洞洞口風氣凜烈盛夏

人不敢入

昌平山水記

原鄒衍廟黍谷山上

密雲縣志

增遼建避暑殿於此

畿輔山川志

原方問孝謁鄒先生祠作夫子昔遊燕宮成碣石年
墳荒肅然雨祠接女郎煙名自三駟著書從五德傳夜
深明月下仿佛笑談天人去不可見川明終古流雲
疑擁夢日廟似桑宮秋碑色含苔冷蜩聲帶雨愁應知

精魄在千載此幽州蒼耳齋詩集

補蘇拯鄒律詠

鄒律暖燕谷青史徒編錄人心不變

遼空吹問草木世患有三惑爾律莫能抑邊苦有長征
爾律莫能息斯術未濟時斯律亦何益爭如至公一聞

口吹起賢良霸邦
唐音婉蕤

原天門山在縣南三十里下有天門寺

密雲縣志

臣等謹按據

大清一統志一作天盆山

原鳳山在縣西北十五里下有石佛寺元建

密雲縣志

增神山在縣北十五里下有水潭

大清
統志

補馬祖常登都北神山醉中題壁詩
山來蒼翠仙宮名神山下負六鼇背我來訪丹藥羽人
已千歲清嘯響山谷幽姿媚松檜白水從北來南與衆
川會開窓目沃野千峯儼相對自是山林樂何但官爵

貴買田釀清泉里社日相慰詩成悵如失天風逼衣袂
東望鄉行廟杯酒可遠酌談天劇當時古屋尚紛繪驛

驢獨歸去人世空
一唱 石田集

原縣東北八里為冶山上有塔有石洞深邃水四時不

竭東有卅洞昔人淘金址尚存

昌平山水記

補密雲縣有鴉鵲安盧家安按說文安止也土人謂安

字為高平處

碣石叢談

原香陘山悉生藁本香世故名焉

水經注

原縣東有地名驚羅山厓間有石門二扇然不可開聽

之內有潺湲水聲

長安客話

原梯子嶺在縣東南十五里

密雲縣志

原九莊嶺在縣北三十里

方輿紀要

原縣北有仙洞其深莫測內有天然石佛五軀又有五

色石竦拔如筍洞口有橋人顧其下深險不可渡

燕山叢錄

增九松山在縣東北二十八里山有松九株

密雲縣冊

臣等謹按九松山康熙四十五年始

勅賜今名

增乾隆六年

御製九松山詩 陽崖陰嶽相吐吞上有千年祇樹園
九松盤盤踞其頂下臨衆木如兒孫我聞五株已成石
盤山樓松餘畫蹟此木疑被女夷鑄不然駐鶴神仙宅
凌空蒼翠勢未已停鑒幾度徘徊視庾梅渭竹空傳名
閱歷滄桑惟有此

增乾隆三十三年

御製九松山放歌 九松之松數百十祇今惟識九松

名擎巖老榦不可見其可見者率乃百年以後之所生
龍蔥過雨如滴翠颯沓臨風自在鳴寺僧箇箇粥飯罐
既難述古亦復不知苑枯存亡均一夢幻乾闥城因思
攝山九老今猶在攝山有九林松相傳為六朝時物山僧珍為古蹟信哉名實
俱收是惟南國之風情

臣
等謹按九松山

御製詩謹繹有闕紀述事實者恭載卷內餘不備錄
增要亭莊在密雲縣東北七十里恭建

欽定四庫全書

卷一百四十

行宮

密雲縣冊

臣

等謹按要亭

行宮建自康熙三十二年

正殿東垣恭懸

皇上御書聯曰正喜軒窓無俗韻更當風物報新秋西

室佛座聯曰彼岸同登通筏喻即心有契悟燈傳

後殿外檐額曰周賞遠豁東室聯曰智水仁山觀物妙

禮園書圍養天機西室聯曰寥廓澄虛宇威紆露遠

密皆

御書

又按要亭一作遙亭又作瑤亭密雲縣志則稱姚
汀今

御製各集詩題皆作要亭按水經注要水出塞外東南
流逕要陽縣城東考要陽即今密雲境則要亭之
稱自為近古也

增乾隆六年

御製要亭行宮晚坐詩 一川景物闢斜陽極目拈題
興渺茫平野風寒吹稻黍遠山日暮下牛羊笳聲幾處
梅花落月色誰家秋思長更剪銀檠披奏牘憂勤那得
暫時忘

增乾隆八年

御製要亭行宮疊舊韻 游絲夾籟闕秋陽戶列堯峯
翠杳茫厯厯出籬垂果羸嚶嚶遶砌足常羊月臨素節
連天淨詩寄高岑引興長今昔儘伊如是佳筌蹄笑我

未曾忘

等謹按要亭

行宮

御製詩謹繹有關紀述者恭載卷內餘不備錄

原密雲河本白河上流自牛欄山而下與潮河交會初
薊遼總督駐密雲從通州至牛欄山以車轉餉勞費特
甚嘉靖中總督劉燾發卒濬潮河川水達通州用小舟
轉粟直抵密鎮矣

吳文恪集

臣等謹按白河流經密雲城西乾隆三十七年

勅建白河神祠

御製瞻禮詩恭載卷內

原密雲運道即白河上流運密雲官軍餉者也嘉靖三十四年自密雲城西楊家莊地方築塞新口疏通舊道令白河與潮河合流至牛欄山水勢甚大故通州漕糧得抵密雲城下

水部備考

臣等謹按此為明隆慶間舊隄

本朝康熙五十六年復自城北沙河莊南至西門外止
續築石子護城隄八百零三丈

補白河經密雲諸山全受渾榆諸河之水夏秋暴漲隄
防不能禦源遠流迅水勢漫散河皆溜沙深淺通塞不
常運行甚艱唯用堦杓數千其治河官夫遇淺即濬庶
盤剥可省矣近有議於白河建閘者河廣水盛漲必他
決底皆淤沙閘必易損且河徙無定閘難改移蓋未達
水土之宜也

問水
集

增乾隆八年

御製臨白河詩 密雲古雄郡山川何壯哉白河襟其

右圓流多淤洄野花夾岸紅中泓鏡影開是時秋漲過
波聲猶喧阗豈能駕虹橋臨渡且徘徊因知投鞭言侈
志禍之媒駢舟作輿梁橫陳榆柳材力作爾毋亟匪為
遊觀來

增乾隆三十七年

御製白河神祠瞻禮詩 有序

白河源出宣化府獨石

口外之瑪尼圖達巴罕東流入密雲縣北之石塘嶺經縣城西折而南與潮河合東南流入於潞其水發源既遠且自經白馬關外崖谷夾束又挾諸山之水而來故其至密雲流益壯性益駛遇夏秋盛漲往往湍急不可禦郡城西之渡為京師至古北口所必經每歲秋巡纜舟為浮橋以濟辛卯七月霖雨積日河驟漲齧坡岸舟當波衝不得繫橋柱亦欹因稽蹕程廼遣官禱于河越日漲陡落丈餘遂復成梁利涉僉以為

神之效靈至奇且速也矧茲河潤所經引溉通載民實
利賴稽之禮宜祀嚮顧闕而未舉蒙其佑弗歆其報可
乎爰勅疆吏度地河壩構祠像設以壬辰丑月歲工茲
幸避暑山莊經祠下躬致瓣香以落之因成八韻并疏
序梗概付所司鈇石以代碑記自今其毋替祀事庶幾
延庥于有永乎 遙源出宣化靈澤護厚奚資運功無
盡安瀾事有稽去秋經異漲歸壑賴明禋是用崇祠建
于焉慶落後橋梁利普濟階級肅初躋棟宇依神煥香

花達惻攜永恬佑保赤錫福被羣黎牲麗碑應峙五言

當記題

臣等謹按白河

御製詩謹繹有關紀述事實者恭載卷內餘不備錄

增明劉應節請改河通漕疏畧密雲環控潮白二河
若天開以便漕者向以二水分流至牛欄山而上始合
故剝船自通州而上者至牛欄山而止若至隆慶倉則
催覓車骡從陸輸輓軍民艱辛之苦水次露積之虞難以
悉狀前總督楊博題改河資運直接密雲備陳四利預
防一害已有成議因循至今兩河之流已為一派水益
深則漕益便所謂四利者已舉而一害已除矣然又有
十利焉密雲招商買米每石常至一兩今漕糧足歲支

之額免厚價以召商一利也往昔主客之糧歲買不下十萬客兵則盡賴召買今加復原額即客兵悉有賴焉二利也發漕米一石于密雲則折扣折色價一石于部若止照七錢扣留存庫而以五錢折色放軍在密雲每石商價已省三錢在部扣則折色支放每石又餘二錢發一石之米存五錢之價三利也主客之兵欲折則折欲米則米隨時應之不為所窘四利也荒歉不能為之災烽警不能為之咄五利也軍儲所在民用資之耕農雖少米價不勝六利也舟運抵城直輸入倉則陸運腳價可省每歲計之亦得萬餘而民間車驢更免拘集七利也通倉粟米腐積各軍頒每為歲額今移通倉應貯之粟以漕於密雲而以密雲扣存之折色給通倉應領之軍則通給無滯腐之粟京軍有實受之惠八利也漕米既足歲計已允民間召商買米之苦可以蘇息九利也漕艘購集則商船踵至市廛日充民生日阜十利也臣等親自放舟自鎮城由牛欄山至順義一帶通行無礙

則四利兼得一害不生而十利亦漸次可舉矣時隆慶六年 密雲縣志



欽定日下舊聞考卷一百四十